



2. juni 2026

UPA2026/181

**Uunga siunnersuut: Namminersorlutik Oqartussat nalunaarutaata iluarsanneqarnissaa pillugu imeqqutaallat manniinik mannissarniarsinnaaneq pillugu Naalakkersuisut kingusinnerpaamik UPA2027 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut. Piffissaq annertussusaalu peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.**

(Inatsisartunut ilaasortaq Jens NapätôK', Naleraq)

Inatsisartunut ilaasortaq Jens NapätôK' Naleraq, qujanaq Naalakkersuisut imeqqutaallat manniinik mannissarniasinnaaneq pillugu nalunaarutip iluarsartuunneqarnissaanik siunnersuuteqarnernut.

Imeqqutaallat mannissarniaqqusaanerat ukiorpaalussuit matuma siorna inerteqqutaalerpoq. Uangut qaatuppugut manniararniartarluta, meeqqatta aamma tamarmik qatuuppaat manniarartartarneq. Taamaammatt inuunitsinnut ilaqutariinnullu allanut piffissami aasakkut sivikittukullaasartumi ilaalluinnarnikuuvoq.

Inerteqquteqalernerup kingorna qeqertat nunarsuarmi imeqqutaallat manniliortarfiisa annersaattut oqaatigineqartarnikuusut aasaanerani immakkut angalanitsinni saneqquttuartarpagut. Inerteqquteqalernerup pissutaa tasaanikuuvoq imeqqutaallat qeqertani taakkunani, allanilumi, manniliortarnerat annikilligaluttuinnartoq amerlisaqqinniarnerat.

Ullumikkut siunertamut naapertuuttumik pisoqarsimasuuppat qularnanngilaq tamassa imeqqutaallat qarlorneri sianaalaartuinnaagaluarput. Ajoraluartumik angissat, innarsuattaat kitsissunnguillu assersuutigigaanni uumasut imeqqutaallat "Qeqertameeqatigisinnaanngisaat" kisimik ikaliartorput.

Qeqertat taasama eqqannguaniippoq Niaqornat. Taanna ukiorpassuarni Qeqertarsuup tunuani nunaqarfimmeersut ornigannaaraat. Nammineq takusarlugu oqaatiguarneqartartoq kingumut uppernarsisarparput. Tassa imeqqutaalarpasuit soorluli qeqertaq taanna kisiat manniliorfigisaler-simagaat inunnik paarsisoqaramik.

Taakkuli qeqertat ilaat qanilliallagassaanngillalluunnit inunnik sumingaanneeraluarnersunik niusimaarfigineqartunik apersulereertartunik sunersugut sulernersugulluunniit tamaani.

Pitsaasutut isigaarput siunertaq najukkani tungaveqarnerusumik aaqqiissuteqartoqarnissaa siunertaralugu oqaloqatigiinnerit tusarniaanerillu ingerlanneqarpata.

Taamaattumik Siumup siunnersuut pitsaasutut isigalugu, aalisarnermut piniarnermut nunalerinermullu ataatsimiititaliamut ingerlanneqarnissaa innersuuppaa neriuutigalugu suliarilluarneqarumaartoq.

Jess Svane, Siumut